

饒平縣志卷之十三

楨川劉并纂修

寇變

龔瑞有言海瀕民困饑寒弄兵濱池此固寇變所
由作也矧邊海居民利市洋貨時通海泊之往來
者乎一夫作姦乘機勾引而島寇嘯聚矣

國家威靈遐暢海外有截而申畫慎固復豫未雨之
綢繆海濱赤子其長此歌詠太平矣志寇變

明洪武三十一年倭掠東里洪武三年置大城所於

饒平縣志

卷十三

寇變

小金山之下至是倭寇猝至刦掠沿海居民奔
避城中東門百戶顧寔開門納之民免於難餘
三門韓馬謝諸百戶堅閉拒之遂多遇害事聞
朝廷命械至京曰是閉門百戶也斬於市傳首
本所子孫輩襲

建文三年靖難師起東里居民互相屠戮有僞稱
元太子者至大埕土豪陳君濟倡衆擁立于寨
上號召鄉隣從者五百餘人卽建都大埕以君
濟爲左丞相傳說爲右丞相立四門沿海囂然

鄉民周梅圃者告府掩捕之濟說就誅符爲天子於京大埕至今有東南門更樓及太子軍云永樂十九年倭肆海上副總兵李珪率舟師從南灣驅之至靖海擒其衆平之

宣德元年彝通事劉秀勾引倭舟入於灣港威召鄉村赴舟領貨名曰放蘇所至抄掠大城所如繫卵矣至上里鄉者陳彝悉衆扼之倭奴空船來攻鄉人携家避於蓮花鯉魚二山寨彝曰賊若縱其橫吾鄉危矣乃相機下山驅之撞殺其酋殺傷殆盡倭舟即日遁去

饒平縣志

卷十三

寇變

二

宏治十四年元歌都鳳凰村民蘇孟凱與弟隆晚子自爲斗老聚衆千餘作亂縣丞倪祿被殺郡邑以聞副使涂昇參議馮良輔督兵追捕破其巢蘇隆走復孽爲禍至是余文重獲平之

正德二年漳溪賊朱秉瑛與林季傳共爲竊盜得志遂聚衆掠鄉村婦女燒燬神前市廬舍殺傷鄉夫明年督府陳金檄僉事胡思都指揮黃某知府張時澤率兵征討悉平其黨

正德十一年河頭劇賊曾三秀掠大埕鄉被殺者甚衆縣令陳南塘長子文瑗遇害其弟文瑒求鮑浦兵來救三秀戰死賊遂遁去

正德十二年清遠盜黃白眉及其黨溫火燒等連合漳浦流賊延蔓踵起漳潮二郡上之監司至是叅議張簡僉事顧應祥夾兵勦之

正德十四年海寇金章舟據大金門調達官兵戍大城適賊刦港南潯達官七人騎而射之殺四賊取首馳歸自是不敢登岸

饒平縣志

卷十三

寇變

三

嘉靖元年柘林村民吳靖作亂寇下灣鄉適長樂兵至掠之擒二賊乃去

嘉靖四年潮州賊江文生等追處汀漳南贛之間流劫饒平潮陽諸縣提督都御史姚謨總鎮太監鄭潤總兵撫寧侯朱麒會僉事施儒叅議汪思討之擒文生餘黨遁去

嘉靖五年宣化都柘林民吳大與弟吳三由鼠竊孽禍聚衆駕海舟十餘艘刦殺惠潮居民被害極甚至是潮州衛指揮賴俊提督東路民兵驅

滅之

嘉靖十二年春河頭賊劫大埕鄉富民陳勝家爲鄉兵及大城所官兵追至獅山敗之

嘉靖十四年海寇郭老寇大城所擄致仕御史蘇確軒浮海以去年餘索金帛甚多一日賊舟至海南遇颶風將覆公拜禱風息遂歸公

嘉靖十八年僉事雍瀾檄饒平知縣羅印凱招撫海寇至信寧都黃芒諸村置社學立保約擇其子弟十餘人聚於邑庠群盜日消信寧鄉民恃

饒平縣志

卷十三

寇變

四

險爲惡接濟番艘劫掠行舟至是爲之一變

嘉靖二十三年海賊李大用船近百艘合攻東路官軍并柘林下岱鄉民竭力守禦賊從灣潛登海岸鄉兵擒斬一酋乃退至夜鄉人慶其再至設伏待之賊果登岸伏發斬二級賊遂遁去

嘉靖三十二年秋八月海寇何阿八焚柘林兵船劫掠鄉村進攻大城保長陳天祐率衆拒守爲鏡所傷貽衆曰我下城再悉衆來也於是衆心益固湏臾東南鄉兵亦至賊乃引去然大城之

西神前之南無役人烟矣

陳氏曰是時人心皇皇城垣墜塌使天祐遽云被傷則人無固志大城陷矣越七日而天祐死人思其功釀金奠之

嘉靖三十三年何阿九攻柘林千戶夏瑚死之是歲秋九月妖賊郭陽山陷大城擄千戶王日秋駐所廳至晚衆謀攻之殺其黨陳世爵遂遁去嘉靖三十七年上饒張璉聚衆倡亂會三省官兵平之璉係饒平庫吏乘倭煽亂聚衆焚劫知縣

饒平縣志

卷十三

寇變

五

林叢槐往撫之爲所拘留勢日張陰與程鄉賊林朝羲等僭擬改號大埔賊蕭晚等爲之犄角流毒江西福建廣東三省四十年提督侍郎張臬總兵平江伯陳王謨調官兵七萬六千有餘會同江閩二省官兵以總兵王寵叅將鍾坤秀等統之叅議馮臬謨僉事皇甫渙賀涇張冕監之賊帥蕭晚就馘璉窮威明年六月其黨郭玉鏡縛之以降斬首六千六百級收降男婦一萬五千餘捷聞璉磔於市蕭晚黨羅袍賴賜等與

小靖賊張公祐皆次第就戮時湖州知府何鐘
帥兵擒海陽賊首王伯宣於城下磔之海寇遁
嘉靖三十九年冬十一月倭掠上里土舍王真追
殺馬什中銳亾

嘉靖四十年正月一日倭陷大城

先時倭陷黃岡大城戒嚴倭移營詔安之溪南
以懈之賊謀城中無備遂自東北隅入殺傅籌
者倡言兵反人閉戶躲匿莫敢出天明賊大全
城陷時四柵居民悉避亂城中賊恣意焚殺積

屍塞道凡東里累世之蓄圖書文史家譜典故
及前賢著作悉爲灰燼據城中凡三十餘日始
去當時撞報只云焚舖斃間殺掠幾人而已

嘉靖四十二年梅嶺賊林國憲勾募入寇據上底

林家圍四出抄劫東里如懸磔矣按國憲與其
鄉人沈門田浪廣皆李大用之黨大用死諸孽
各立夥海上沈門入倭回與國憲掠浙江黃岩
縣縣中人歸罪徽人徐碧溪拘其家屬國憲乃
導碧溪至南灣後碧溪爲遊擊黑孟陽所擒國

憲亦逃入倭勾引而掠其子先繫漳州獄漳守
釋之使招其父遂不還勢益猖獗林鳳林逢陽
皆其姪孫吳平其姪婿也連蔓延株爲閩粵之
害二十餘年

嘉靖四十三年甲子大將戚繼光追討海寇吳平
於南灣破其寨吳平逸平漳州之劇盜也總兵
俞大猷旣平倭亂平受撫慮俞殺之乃挾殘倭
自潮州渡江掠下寨深塗至甲洲所過焚劫一
空遂營於梅嶺四出剽掠事聞詔閩廣會兵剿

之繼光師至漳浦平棄寨浮海據深灣爲自保
計或言東畚人欲導官軍劫其營平怒分哨欲
掠之方發舟遇戚探兵都司傅應嘉與戰獲其
二舟乃止旣又降其黨涂禮戚喜令爲導使應
嘉從之由宰猪灣間道搗其穴平急乃以小艇
渡陳塘掠鳳凰寨殺兵夫奪去旗號衣甲倒出
湯溪官兵追者困卧道傍以爲兵也爲賊所掩
平遂出潭林乘漁舟徑奔海島後不知所終有
云抱島上枯樹死爲螻蟻食者平自謂也

秋八月許朝光爲其黨所殺

朝光賊許棟之養子也棟殺其父與其母及貨

物育朝光爲己子掠漳潮一端一取一本棟

別令其子以舟接之光遂逃一并戮之

總其衆據南灣之後宅又從主是爲

其黨所殺

隆慶二年吳平遺孽曾本城下關

叅將張元勳出奇兵於竹林堡一仍令丁如

龍統兵自器嶺赴援賊退走追至後灣與竹林

饒平縣志 卷十三

寇變 八

兵合大敗之三年夏六月本爲總兵郭成所

逐舟至柘林會戰又敗之越日復戰於馬耳灣

成以火炮擊破其舟一本赴水死

崇正十四年九月有山賊千餘探縣令夏欲上府

公幹五更時分放夫入城東南門俱開賊乘虛

擁入城內半街被神兵捍出門軍覺知將櫓閉

門城兵在城上拋磚擲石甚多追入明破鄉民

擒殺二百餘夥

崇正十六年閩寇余五烈率賊數千攻縣閱五書

夜邑令萬邦俊束手無策舉人劉道璋倡城內居民固守力禦義民張冲雲捐金一百兩分與守禦者勇氣百倍寇退

大榕鄉張更生鳩黨為亂劫掠漳溪等處隣鄉會集鄉勇擒殺之

國朝順治戊子年冬余仁余魁糾夥攻城縣官鄭銓全舉人劉道璋及合邑諸生率鄉兵禦之時勇士林高聲力絕人足追馳馬每臨賊持兵獨驅殺傷甚多至夜復劫其營賊敗走縣賴以安

饒平縣志

卷十三

寇變

九

康熙十三年閩寇呂小娘集賊夥數千迫縣民無固志邑令吳曰爌同城守陳善教躬率官民兵八百餘邀擊之賊大敗斬賊數百級小娘擒獲梟首城賴以全

康熙十四年春劉進忠叛時有土弁詹爾珍引續順公沈瑞來駐饒城待援進忠合海寇圍城三月城內乏食斗米價至十兩援不至勢窘圍解人得安全

侯世祿論曰饒地四圍皆山民樸力於農土

秀篤於學都號元歌視魯武城豈多讓哉因
接閩壤屢被蹂躪然山川之靈人心之和社
稷以鞏以固年來竊盜群起向多寬宥遂成
滋蔓自侯下車緝其爲首者數人立斃杖下
奸徒屏息饒民獲安

災祥

春秋書災異所以謹天戒也涿水儆予聖帝猶懼後世乃有謂天變不足畏者戲淪甚矣祥桑枯熒惑退天人感應之理昭然不爽修省可勿競競與是庶徵休咎庶民不言省居上之責尤重哉志災祥

明洪治五年夏六月大雨水溢禾稼淹沒害連千家東里巷可乘舟

九年秋八月天雨麥於大堤上底前沙岡上貧民拾至升斗煮食之味不殊今麥

十八年尖峯山崩

正德二年夏六月雹其大如拳

四年冬十二月大雨雪深尺許

七年夏五月雹

十二年夏六月大雨彌月尖峯山崩是歲大饑鹽價甚賤百石僅易米一石

十四年春日盪東方上下相摩如擊狀紅白各

一頃之白者漸黑而滅是 秋宸濠反江

秋八月地震

十五年春二月夜有星殞於西南方聲如虎移時乃滅

十六年冬十月柘林柑花盛開結實先有童謠云柑花開吳王來柑結子吳王死初莫知所謂後嘉靖元年吳清入海爲盜人以吳大王稱之是年夏寇下灣田墘適調長樂民兵至救之追至赤嶺而還二年受撫又叛爲害者三十餘年

饒平縣志

卷十三

災祥

七

後至海豐縣大海嶺爲官兵所殺餘黨悉平

嘉靖元年四月大埕上底沙岡上草根生麥麥在地中拔出如浸種者

五年六月無雲而雷尖峯大石崩聲聞數里有黑雲罩其上

九年春旱大饑斗米價貳錢山無遺蕨時竹結實如大麥民採爲糧秋又旱盜據道路不通

十四年夏旱秋大水山谷崩裂縣城衝崩四十餘丈海溢城內外民居臨流者皆沒焉 大埕

民婦周氏一乳四子

三十二年冬大城東門外遙見一物如蛇圍可五六尺長可十餘丈橫跨田中自鷄鳴至微亮猶見頃之霧大作咫尺不辨人及霽而失所在矣

三十六年秋九月馬騮精爲災先是有人傳一札云大災之後魁物奔騰附火而行號曰馬精男婦犯者昏迷仆地以柳桃枝擊之乃避時有一異僧市符咒壓勝後聞此災至漳州府龍岩

縣爲縣令湯相所覺急捕此僧殺之災遂止

三十八年六月望妖星亘天光流入室如瀆血後以問天官氏曰此天狗也時訓導陳子貫亦言在京師謁選時曾有占候者云閩浙煞星漸移西南兩廣不日受兵矣故自戊午倭入次年張璉聚衆劫掠海寇作亂此其徵也

三十九年春大城所榕樹出血上底人家煮粉丸湯化爲血梅嶺人家亦然是歲冬十一月又有星如劍橫亘西北方色如血聲如火氣如烟

四十一年五月有星入於月頃之自月出又天
雨墨着人衣俱黑蠟房肉黑食之人死

隆慶三年六月大颶二晝夜壞民房屋海潮漲溢
萬曆三年七月二十五日申刻虹見於西方須臾
圍繞其日燄光遍天

五年春二月日光相盪如擊狀一分一合越月
再見秋九月彗星出於參井之分長十餘丈漸
移昴畢間冬十二月三日尾旋轉如輪燄光熠
天逾時乃滅

饒平縣志 卷十三

災祥 齒

十一年嘉禾產南灣地

崇正三年夏五月颶發暴雨如注城內外垣墼崩
塌百一十七丈

國朝順治戊子年連旱五月斗米價六錢時民顛苦
特甚張縣令昌齡遍拜富戶求出粟民賴以甦

康熙四年正月黑光摩盪二月旱田荒民饑

六年十一月地震十二月雷鳴

七年正月白氣見於西方似劍長三丈餘

八年八月颶大作海溢毀民居無數

十年歲大有

十二年八月十六夜颶風大作助以雨瓦片紛飛木大如斗者半腰折

十一年八月太白經天

十三年二月尊君山望海嶺山顛石如屋崩其聲勝雷未崩前三日夜山吼後崩二月雨系日照之金炎色四月有虎入明倫堂爲居民所斃是年海寇變亂諸災其先徵也

二十一年閏六月初二日五色雲見西方逾四

刻乃止

二十二年八月宣化一帶海澄清漁者見海底魚鱗缸甕等物如是者三日午

二十四年三月初六日星隕黃岡五丈港數顆聲聞數十里其狀如石其大如斗其色外青內白黃岡巡司解府

二十五年十月初八日雨系

附紀異

梁猶龍庚戌計偕行德州道上夜夢傳呼卡吉

召星君四人導行以平迴路轉宮闕巍然其傍
留智廟珠檻玉陛夾陛仗衛不似人間威儀也
四人者入止猶龍待命食頃乃出云玉旨敬勞
星君真靈不昧一生正大光明多行好事端的
不負科名猶龍遜謝稽首某寒士力不副心何
好事之能爲四人相顧指點有若語此間是星
君坐次者有若語星君姑了科名事業者徒覺
汗淋淋浹背急披衣冠循夢中途徑尋之果得
所爲留智廟者微茫星月之下策蹇者已追及

與怒怒俱去留智得名緣起拳拳驢背上也既
魁南宮第十人悟身前事歸爲兄弟述之無何
竟赴玉樓後其甥陸贈衣將入都門兄問卿囑
其詳訪癸丑秋還報廟始自前朝展敬岱宗中
使以神光示現特請敕建於彼地近重新甫落
前楹中尊冠帔如帝后意卽東嶽所奉碧霞元
君者旁列散聖第一位李采鬚眉則一活猶龍
也然留智之義仍未詳云

邱嗣瓊

康熙戊午
副榜拔貢

秉性正直樂善好施讀書講

藝而外他事勿與也室康熙丙寅六

寢疾

一日見輿蓋儀從擁立階前若迎官上任狀是夕卒卒之後七日夜分其弟嗣琛夢瓊謂曰爾兄爲脚於大埔有家信至高陂土地祠寄來可也其弟以鬼神幽渺且得之夢中事屬荒唐置勿問及丁卯初春時督學使者臨興寧弟往就試道經高陂憇足於土地祠中追憶前夢取筭投之如所祝得一陰一陽者三焉弟神之遂作一書焚於廟是夜夢一人巾行衣如廟中神

狀謂之曰爾兄所居在大埔縣南門內新蓋署是其所也去年八月初旬已上任矣時弟以試期既逼又復偕行甚衆不得一往而踪跡焉迨至興寧訪之大埔應試者咸云南門內去年建一廟祀土地云及弟試歸往訪之見廟中神像鬚眉氣象宛然兄也傳曰神聰明正直而壹直者爲神幽冥之中洵有是理耶